



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726-400
fax. +387 33 726-423
e – mail: info@voda.ba

Broj: **UP-1/21-3-40-604-5/22**
Datum: **14.03.2023. godine**

„Agencija za vodno područje rijeke Save“ Sarajevo rješavajući po zahtjevu korisnika „MS ALEM“ d.o.o. Bosanska Krupa, za izdavanje vodne dozvole za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta i ispuštanje tehnoloških otpadnih voda u postupku rada poslovnog objekta za klanje životinja, obradu, preradu i uskladištenje proizvoda od mesa sa pratećim sadržajima, na osnovu člana 139. stav (1) tačka 3. i 10. Zakona o vodama („Službene novine Federacije BiH“, broj 70/06) i člana 200. Zakona o upravnom postupku („Službene novine Federacije BiH“, broj 2/98, 48/99 i 61/22), donosi:

RJEŠENJE **o vodnoj dozvoli**

1. Daje se vodna dozvola korisniku „MS ALEM“ d.o.o. Bosanska Krupa, za aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta, u postupku rada objekta, i ispuštanje tehnoloških otpadnih voda sa lokacije poslovnog objekta za klanje životinja, obradu, preradu i uskladištenje proizvoda sa pratećim sadržajima, izgrađenog na zemljištu označenom kao k.č. broj 6/51-1, 6/51-2, 6/51-3 i 6/58-1 K.O. Baštra, odnosno k.č. broj 272/1, K.O. Baštra, ZKU br. 98 i 273/1 K.O. Baštra ZKU br. 96, općina Bosanska Krupa.
2. Ova vodna dozvola ne oslobađa podnosioca zahtjeva obaveze pribavljanja vodne dozvole za korištenje vode i ispuštanje sanitarnih otpadnih voda, za čije je izdavanje nadležno Ministarstvo poljoprivrede, vodoprivrede i šumarstva Unsko-sanskog kantona, u skladu sa članom 139. stav 2. tačka 1. i 2. Zakona o vodama.
3. Vodna dozvola se daje na osnovu činjeničnog stanja utvrđenog pregledom dostavljene dokumentacije i izvršenim uviđajem na objektu, pod slijedećim uslovima:
 - 3.1. Da za vrijeme važenja ovog rješenja korisnik predmetnog objekta izvede radove u skladu sa dostavljenom projektnom dokumentacijom – „Izgradnja kanalizacione mreže i postrojenja za prečišćavanje otpadne vode (PPOV)“ koja je dopuna za Glavni projekt sakupljanja, tretmana i ispuštanja otpadnih voda poslovnog objekta klaonice, prerade mesa i mesnih prerađevina, urađen od strane Instituta za kvalitet, standardizaciju i ekologiju TQM d.o.o. Lukavac pod brojem protokola: 2412/19, jula 2019. godine, u Lukavcu, revidiranim od strane Euroing d.o.o. Bihać pod: Br. REV 08-07/19, dana 16.07. 2019. godine, u Bihaću, kako slijedi:
 - Izvesti radove na sistemu za prikupljanje i zbrinjavanje osoke (osočare), sa prostora štale za prijem stoke do klanja, i sistem za prijem procjednih voda sa prostora đubrišta,
 - Izgraditi prostor za sanitaciju vozila (pranje tovarnog prostora vozila kojima se vrši dovoz stoke za klanje, sanitacija vozila za odvoz mesa i mesanih prerađevina, priprema tovarnog prostora za odvoz sirove kože zaklanih životinja, odnosno sanitacija istih) i prostor za pranje kamiona, sa kojeg se otpadne vode prečišćavanju na separatoru ulja i masti,
 - Zbrinjavati tehnološke otpadne vode sa prostora za prijem, tretman i skladištenje kože do odvoza kupcu, budući da predmetni prostor ima izveden cijevni odvod, spojiti na kanalizacioni sistem otpadnih voda i dovesti iste na tretman u SBR uređaj.
 - 3.2. Na osnovu dopunjene projektne dokumentacije iz tačke 3.1. ovog rješenja i dostavljenog dinamičkog plana realizirati radove do 19.12.2023. godine:
 - Spojiti kanalizacioni sistem otpadnih voda na ugrađeni SBR uređaj za tretman tehnoloških i sanitarnih otpadnih voda sa prostora predmetnog pogona,
 - Izraditi kompletan cijevni sistem za prijem i odvod tehnoloških otpadnih voda sa prostora pogona za klanje životinja, prostora za obradu i preradu mesa te proizvodnju mesnih prerađevina, prostor za skladištenje kože, prostora za sušenje mesa, do SBR uređaja za tretman otpadnih voda,
 - Izraditi osočaru i cijevni sistem za prijem i odvod osoke sa prostora štale za prijem stoke za klanje,
 - Zbrinjavanje konfiskata vršiti u skladu sa zaključenim ugovorom o zbrinjavanju istog sa ovlaštenim pravnim licem,

- Izraditi prostor za sanitaciju vozila (pranje tovarnog prostora vozila kojima se vrši dovoz stoke za klanje, sanitacija vozila za odvoz mesa i mesanih prerađevina, priprema tovarnog prostora za odvoz sirove kože zaklanih životinja, odnosno sanitacija istih)
 - Uraditi ispitivanje vodonepropusnosti izvedenih instalacija te priložiti Zapisnik o ispitivanju
- 3.3. Usvojenim rješenjem se mora obezbjediti da prečišćene otpadne vode prije ispuštanja u površinsku vodu moraju da zadovolje granične vrijednosti emisije utvrđene u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“, broj 26/20 i 96/20).
 - 3.4. U cilju praćenja kvaliteta ispuštene prečišćene otpadne vode, potrebno je da se na odvodnom kolektoru, a prije ispusta u prijemnik, izgradi okno za monitoring, shodno članu 19. stav (4) Uredbe o uslovima ispuštanja otpadnih voda u okoliš i sisteme javne kanalizacije.
 - 3.5. Da korisnik objekata klaonice sa pratećim sadržajima iste održava u funkcionalnom stanju i koristi u skladu sa njihovom namjenom i uslovima iz ove vodne dozvole.
 - 3.6. Da se redovno vrši potpuno odvajanje krvi prilikom iskrvavljenja, sistemom odvojenog prikupljanja u posebne posude od inoxa i vrši zbrinjavanje prema uputama i u saradnji sa veterinarskom inspekcijom.
 - 3.7. Objekte za prikupljanje, tretman i ispuštanje tehnoloških otpadnih voda (slivnici, rešetke, kanalizaciona mreža, uređaji za tretman, i dr.) potrebno je održavati i koristiti na način koji će obezbijediti njihovu potpunu ispravnost i funkcionalnost. Čišćenje i pražnjenje uređaja za tretman otpadnih voda može vršiti isključivo firma ovlaštena za tu vrstu djelatnosti, prema sklopljenom ugovoru. O načinu i vremenu radova održavanja, odnosno o pražnjenju, odvozu i zbrinjavanju sadržaja iz uređaja za tretman otpadnih voda, neophodno je voditi službenu evidenciju i arhivu.
 - 3.8. Da se smještaj i upotreba hemijskih supstanci (koriste se kao sredstva za pranje i dezinfekciju) koje se dobavljaju u PVC kanisterima, i sol u PVC amabalaži, vrši na način da se onemoguću dospijevanje istih u tlo, površinske i/ ili podzemne vode.
 - 3.9. Da se istrošena ulja, nauljene krpe i sav opasan otpad koji se može pojaviti u proizvodnom procesu i u procesu čišćenja i održavanja postrojenja redovno prikuplja i propisno, privremeno skladišti u metalne spremnike, do krajnjeg, ekološki prihvatljivog zbrinjavanja od strane ovlaštene organizacije, a prema sačinjenom ugovoru.
 - 3.10. Da se oborinske vode sa krovova objekata kompleksa pakupe i zatvorenim sistemom kanizacionih cijevi odvedu direktno u recipijent, odnosno, uraditi sve prema priloženoj projektnoj dokumentaciji, iz tačke 3.1. ovog Rješenja.
 - 3.11. Da se na mjestu ispusta otpadnih voda redovno vrši monitoring otpadne vode, shodno članu 20. Uredbe o uslovima ispuštanja otpadnih voda u okoliš i sisteme javne kanalizacije («Sl. novine Federacije BiH», broj: 26/20 i 96/20), te pojedinačne i zbirne godišnje izvještaje dostaviti Agenciji, u skladu sa Uredbom.
 - 3.12. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaju i načinu davanja ovlasti („Službene novine Federacije BiH“, broj 14/10, 14/13, 26/14, 23/17 i 41/20).
 - 3.13. Ukoliko Vlada propiše dodatne (strožije) uvjete za ispuštanje otpadnih voda, od uvjeta definisanih u Prilogu 8. Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH“ broj: 26/20 i 96/20), podnosilac zahtjeva je u obavezi iste ispoštovati.
 - 3.14. Da korisnik, u toku važenja ovog Rješenja, odgovorno vodi proces rada kako bi se smanjio teret zagađenja i količina ispuštene tehnološke otpadne vode iz objekta štale i klaonice.
 - 3.15. Da korisnik obavezno praktikuje suho čišćenje radnih površina, prije pranja vodom, da bi se uklonile organske nečistoće sa radnih površina, trošilo manje vode za pranje i time smanjilo zagađenje u otpadnim vodama.
 - 3.16. Da se spriječi nekontrolisano rasipanje tečnog i krutog otpada (osoka i đubrivo) po okolnom zemljištu te da se aplikacija đubriva na poljoprivredne površine vrši u skladu sa pravilima dobre poljoprivredne prakse, a u cilju zaštite podzemnih i površinskih voda.
 - 3.17. Da se nastalo đubrivo i osoka iz objekta za prijem stoke do klanja, redovno sakupljaju u odgovarajućim vodonepropusno izvedenim đubrenicima i osočarama, a koji će se periodično prazniti u svrhu đubrenja poljoprivrednog zemljišta.

- 3.18. Osoka iz osočare ne smije imati izveden preliv u okolno zemljište ili u teren.
- 3.19. Da se privremeno i konačno zbrinjavanje klaoničkog konfiskata koji nastaje u postupku klanja i obrade trupala kao i drugih nusprodukata, vrši u skladu sa Zakonom o veterinarstvu i Pravilnikom o načinu postupanja sa životinjskim lešinama i otpadom životinjskog porijekla i propisima iz oblasti zaštite okoliša.
- 3.20. Otpad koji nastaje u postupku klanja i obrade mesa kao i drugi nusprodukti, te mulj iz postrojenja za prečišćavanje otpadnih voda ne smije se odlagati na česticu «vodno dobro», odnosno u vodotoke i na njegove obale.
4. Vlasnik, odnosno korisnik objekta je obavezan voditi propisne evidencije, te nadležnim organima dostavljati propisane obrasce (Obrazac EBS) u skladu sa Zakonom o vodama (Službene novine Federacije BiH", broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada (Službene novine Federacije BiH", broj: 92/07, 46/09, 79/11, 88/12 i 03/16), Prilog 1., Poglavlje V — Određivanje koeficijenata zagađenja za zagađivače voda kod kojih se ne vrše direktna mjerenja voda te prema dostavljenim obrascima izvršavati u cjelosti i u propisanim rokovima obavezu plaćanja vodnih naknada.
5. U periodu važenja ove dozvole, korisnik objekta „MS ALEM“ d.o.o. Bosanska Krupa, je dužan provoditi sve mjere i aktivnosti propisane istom.
6. Vlasnik, odnosno korisnik predmetnog kompleksa nema pravo na naknadu eventualnih šteta prouzrokovanih plavljenjem i iste padaju na njegove teret, budući da je objekt izgrađen u blizini vodotoka Baštra oko 300 m.
7. Ukoliko radom predmetnog objekta dođe do promjene režima površinskih i/ili podzemnih voda, a te promjene prouzrokuju štete ma kakvog karaktera, korisnik vodne dozvole je obavezan uzroke štete otkloniti, a nastalu štetu nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. Vodna dozvola se daje na određeni period do **19.12.2023.** godine shodno članu 26. stav (1) Uredbe o uslovima ispuštanja otpadnih voda u okoliš i sisteme javne kanalizacije („Službene novine Federacije BiH" broj: 26/20, 96/20).
10. Prije isteka važnosti ove dozvole, Investitor je dužan da podnese zahtjev za izdavanje nove vodne dozvole.
11. Ovo rješenje o vodnoj dozvoli može se izmjeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.
12. Ukoliko nosilac prava iz ove vodne dozvole u toku važenja iste, ne ispuni uslove propisane dispozitivom ovog rješenja i ne zadovolji propisane kriterijume koji se odnose na parametre kvaliteta tehnoloških otpadnih voda navedenih u tački 3.2. dispozitiva, ne može u skladu sa važećom legislativom dobiti produženje roka ili novo odobrenje za ispuštanje tehnoloških otpadnih voda.

Obrazloženje

Investitor, „MS ALEM“ d.o.o. Bosanska Krupa, obratio se ovoj Agenciji dana 26.10.2022. godine zahtjevom za izdavanje vodne dozvole za ispuštanje tehnoloških otpadnih voda i aktivnost koja može privremeno ili trajno degradirati kvalitet voda ili ometati poboljšanje njihovog postojećeg kvaliteta sa lokacije poslovnog objekta za klanje životinja, obradu, preradu i uskladištenje proizvoda od mesa sa pratećim sadržajima, izgrađenog u naselju Baštra, općina Bosanska Krupa. Nakon dopune projektne dokumentacije pristupilo se izdavanju vodnog akta.

U provedenom postupku, uz zahtjev za izdavanje vodne dozvole dostavljena je i pregledana slijedeća dokumentacija:

- Ovjerena kopija Rješenja o izmjenama podataka, izdato dana 12.01.2022. godine pod brojem: 017-0-Reg-22-000003, od strane Općinskog suda u Bihaću,
- Ovjerena kopija Uvjerenja o poreznoj registraciji, izdato dana 22.07.2011. godine, od strane Federalnog ministarstva finansija, Porezne uprave – Kantonalni ured UNSKO-SANSKOG KANTONA,
- Ovjerena kopija Uvjerenja o registraciji/upisu u Jedinствени registar obveznika indirektnih poreza; izdato od strane Uprave za indirektno-neizravno oporezivanje Banjaluka pod brojem 04/1-17-1-35-460-15/11, dana 12.08.2011. godine, u Banja Luci,
- Kopija opšteg naloga za plaćanje upravne pristojbe,
- Kopija Rješenja o građenju klaonice – objekat broj 1; izdato od strane Odjela za prostorno uređenje Službe za prostorno uređenje, geodetske poslove, katastar nekretnina, imovinsko-pravne, stambeno-

komunalne poslove i obnovu općine Bosanska Krupa, broj: UP-1-04-23-1-1289/04, dana 09.06.2004. godine,

- Kopija Rješenja, kojim se odobravaju izvedeni radovi na dogradnji poslovnog objekta – proširenje postojećih kapaciteta za preradu mesnih prerađevina; izdato od strane Službe za prostorno uređenje, građenje i zaštitu okoliša općine Bosanska Krupa, broj: UP-1-04-23-1-679/10, dana 29.03.2010. godine,
- Kopija Rješenja o upotrebi objekta klaonice – objekat br. 1; izdato od strane Odjela za prostorno uređenje Službe za prostorno uređenje, geodetske poslove, katastar nekretnina, imovinsko-pravne, stambeno-komunalne poslove i obnovu općine Bosanska Krupa, broj: UP-1-04-23-1-2252/04, dana 30.11.2004. godine,
- Kopija rješenja, o ispunjenju minimalnih propisanih veterinarsko-zdravstvenih uvjeta, kojim se potvrđuje da pravno lice „MS ALEM“ doo iz Bosanske Krupe, ispunjava uvjete za rad klaonice i prerade mesa sa pratećim sadržajima, u naselju Baštra, općina Bos. Krupa, izdato od strane Kantonalnog ministarstva poljoprivrede, vodoprivrede i šumarstva Unsko-sanskog kantona pod brojem 08-20-327-UP-1/20, dana 12.01.2022. godine, u Bihaću,
- Kopija Rješenja, kojim se daje vodna dozvola za ispuštanje tehnoloških otpadnih voda sa lokacije poslovnog objekta za klanje životinja, obradu, preradu i uskladištenje proizvoda sa pratećim sadržajima, izgrađenog na zemljištu označenom kao k.č. broj 6/51-1, 6/51-2, 6/51-3 i 6/58-1 K.O. Baštra, odnosno k.č. broj 272/1, K.O. Baštra ZKU br. 98 i 273/1 K.O. Baštra ZKU br. 96, općina Bosanska Krupa, izdata od strane Agencije za vodno područje rijeke Save Sarajevo pod brojem UP-I/25-3-40-073-10/19, dana 02.08.2019. godine,
- Ugovor o odvozu, deponovanju klaoničkog otpada, zaključen 03.05.2007. godine pod brojem 1622/07 između JKP „10.juli“ Bos.Krupa i „MS ALEM“ doo Bos.Krupa,
- Ugovor o praćenju kvaliteta otpadnih voda u skladu sa postojećom zakonskom procedurom sklopljen 08.12.2021. godine pod brojem IT-127-2021. između naručitelja „MS ALEM“ doo Bos. Krupa i izvršitelja „Herkon“ doo Mostar,
- Kopija rezultata Izvještaja o rezultatima ispitivanja kakvoće i količine tehnološke otpadne vode za klaonicu i preradu mesa „MS-ALEM“ Bosanska Krupa, urađen od strane Herkon d.o.o. Mostar pod brojem GI-OV-02-24/22, januara 2023. godine,
- Kopija rezultata Izvještaja o monitoringu kvaliteta i kvantiteta otpadnih voda za klaonicu i preradu mesa „MS-ALEM“ Bosanska Krupa; urađen od strane Inspekt – RGH d.o.o. Sarajevo pod brojem 1065/18, dana 27.09.2018. godine,
- Dokaz o uplati posebnih troškova po zaključku broj UP-1/21-3-40-604-4/22, dana 13.03.2023. godine,
- Glavni projekat sakupljanja, tretmana i ispuštanja otpadnih voda poslovnog objekta klaonice, prerade mesa i mesnih prerađevina; urađen od strane Instituta za kvalitet, standardizaciju u ekologiju TQM d.o.o. Lukavac pod brojem 10-062/19, jula 2019. godine, u Lukavcu, revidiran od strane Euroing d.o.o. Bihać pod brojem REV 08-07/19, dana 16.07.2019. godine, u Bihaću, (na uvid),
- Revizija Glavnog projekta sakupljanja, tretmana i ispuštanja otpadnih voda poslovnog objekta klaonice, prerade mirsa i mesnih prerađevina; urađena od strane Euroing d.o.o. Bihać pod brojem REV 08-07/19, jula 2019. godine, u Bihaću, (na uvid),
- Dinamički plan aktivnosti, decembra 2022. godine u sklopu dopune glavnog projekta.

Nakon pregleda dostavljene dokumentacije, u skladu sa članom 12. stav (5) i (6) Pravilnika o sadržaju, obliku, uvjetima i načinu izdavanja i čuvanja vodnih akata („Službene novine Federacije BiH“ broj 31/15, 55/19, 41/20 i 63/22), izvršen je pregled izgrađenog poslovnog objekta za klanje životinja, obradu, preradu i skladištenje proizvoda sa pratećim sadržajima „MS Alem“ d.o.o. Bosanska Krupa, i tom prilikom sačinjen zapisnik o uviđaju broj: UP-1/21-3-40-604-3/22 od 07.03.2023. godine.

Poslovni objekat za klanje životinja, obradu i preradu mesa te skladištenje proizvoda „MS ALEM“ d.o.o. Bosanska Krupa, je izgrađen u naselju Baštra, općina Bosanska Krupa. Proizvodni objekt se sastoji od parkirnih površina ispred kruga objekta i ulazne kapije, internih saobraćajnih površina, objekta sa upravnim, sanitarnim prostorijama, prostorijom za ishranu radnika, prostora za obradu mesa i preradu i proizvodnju mesnih proizvoda te prostorom za skladištenje proizvoda, objekta za prijem i smještaj stoke do početka klanja sa izgrađenim koridorom za prijem stoke u klaonicu, objekta klaonice, objekta za soljenje i smještaj kože do odvoza kupcu, prostora-platoa za sanitaciju vozila/pranje kamiona za dovoz stoke, objekta hladnjače za meso, objekta za sušenje mesa, trokomornog septika te zelenila.

Kapacitet pogona je 1,4 tona mesa na dnevnom nivou.

Na predmetnom objektu se koristi voda za piće, za sanitarne potrebe i u tehnološkom postupku, priključkom na lokalni vodovod dijela naselja Baštra, a sanitarne otpadne vode zajedno sa tehnološkim-zamašćenim otpadnim vodama sa prostora klaonice i prerade mesa se odvođe do trokomornog septika na primarni tretman taloženja, te nakon toga cijevnim sistemom odvođe do otvorenog kanala, kojim se odvođe direktno do ispusta u vodotok - potok Baštra, bez tretmana na predviđenom biološkom uređaju. Prostor za prijem, soljenje kože te skladištenje do odvoza kupcu, ima odvod procjedne vode iz kože i vode

od pranja skladišne kade, za koji se ne može sa sigurnošću utvrditi da je priključen na trokomorni septik za prijem otpadnih voda.

Manipulativni prostor namijenjen za interni saobraćaj je dijelom tamponiran i asflatiran, bez oivičenja.

Projektnom dokumentacijom (urađena 2004. godine na osnovu koje je Kantonalno ministarstvo poljoprivrede, vodoprivrede i šumarstva Unsko-sanskog kantona dalo vodoprivrednu saglasnost) je obrađen samo način prihvata, tretmana te ispuštanja otpadnih voda sa prostora klaonice i prerade mesa predmetnog objekta, ali isti nije realiziran. Istom nije predviđen prihvata, tretman te način zbrinjavanja dubreta i osoke sa prostora štale za prijem i prihvata stoke do klanja, prijem otpadne-procjedne vode sa prostora za soljenje kože, i slično.

Tehnološki postupak počinje dovozom stoke i prijemom u prostor za prijem stoke. Stoka se koridorom dovodi u prostoriju za klanje. Nakon klanja se vrši iskrvarenje, skidanje kože i vađenje utorbe i iznutrica te rasjecanje trupla na dvije polutke. Polutke se potom horizontalnim transporterom odnose do prostorije za rasjecanje mesa (ako svježe meso idu u maloprodaju) ili u hladnjaču. Rasječeno svježe ili zamrznuto meso se potom transportuje do maloprodajnih mjesta. Na predmetnom prostoru se vrši i sušenje mesa, odnosno proizvodnja suhomesnatih proizvoda, na prostoru sušare.

Objekt je priključen na lokalni vodovodni sistem za potrebe sanitarne vode i vode u tehnološkom postupku čišćenja i održavanja radnih prostora, kao i za pranje i čišćenje trupala. Radne površine su obložene keramikom radi lakog čišćenja i održavanja, sa ugrađenim slivnikom za odvod otpadnih voda. Krv sa prostora za klanje i iskrvarenje stoke se cijevnim sistemom odvodi do kanalice. Nije bilo moguće utvrditi da li se krv odvojeno zbrinjava ili se miješa sa otpadnom vodom nastalom čišćenjem prostora za klanje stoke. Prostorija za rasijecanje i obradu mesa te prostor za hlađenje mesa se čiste suhim postupkom.

Investitor vrši uzorkovanje otpadnih voda angažovanjem ovlaštene laboratorije. Preko taložnika (primarni tretman) se ne vrši ispuštanje svih otpadnih voda koje nastaju u tehnološkim postupcima na predmetnoj lokaciji, te se dobiveni rezultati ne mogu smatrati mjerodavnim.

Tačka 4. dispozitiva rješenja je propisana u skladu sa tačkama 12. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada („Službene novine Federacije BiH”, broj 92/07, 46/09, 79/11 i 88/12) i Odlukom o visini posebnih vodnih naknada („Službene novine Federacije BiH”, broj 46/07).

Na osnovu utvrđenog činjeničnog stanja i dostavljene dokumentacije, a u svrhu smanjenja negativnih uticaja predmetne aktivnosti na stanje voda i prava na vode dodijeljena drugim korisnicima, podnosiocu zahtjeva su ovim vodnim aktom, u tački 3. dispozitiva rješenja, shodno odredbama Zakona o vodama, Uredbe o uslovima ispuštanja otpadnih voda u okoliš i sisteme javne kanalizacije i Pravilnika o sadržaju, obliku, uslovima i načinu izdavanja i čuvanja vodnih akata propisani uslovi kojih se investitor ima pridržavati. Na osnovu provedenog postupka i utvrđenog činjeničnog stanja, doneseno je rješenje kao u dispozitivu.

Podnosilac zahtjeva je na ime izdavanja ovog vodnog akta izvršio uplatu pristojbe iz tar. broj 43. Zakona o federalnim upravnim pristojbama i Tarife federalnih upravnih pristojbi („Službene novine Federacije BiH”, broj 06/98, 8/00, 45/10 i 45/13).

Uputa o pravnom lijeku:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15 KM takse, prema tarifnom broju 3. Tarife federalnih administrativnih taksi.

Obradivač akta:

Fuad Mujagić, dipl. inž.

Po ovlaštenju
Rukovodilac sektora za izdavanje
vodnih akata

Haris Ališehović, dipl. inž. građ.

Dostaviti:

- „MS ALEM” d.o.o. Bosanska Krupa, Baštra bb, 77 240 Bosanska Krupa
- ⊖ AVP Sava, ISV – Vodna knjiga
- Sektor 50
- Sektor 40, arhiva
- Oglasna ploča – AVP Sava